



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Monumenta Paderbornensia

Ferdinand <II., Paderborn, Bischof>

Francofurti ; Lipsiæ ; Norjbergæ, 1713

Appendix

**urn:nbn:de:hbz:466:1-29975**



# APPENDIX

Epitaphia exhibens

FERDINANDI Furstenbergii, Epi-  
scopi Paderbornensis ac Monasteriensis,

&

JOANNIS ADOLPHI Furstenbergii,  
Præpositi Paderbornensis, illius fratris,  
quorum prius in templo Patrum de observantia,  
alterum in summa æde Paderbornensi positum est.

I.

D. O. M. S.

FERDINANDUS Episcopus


Paderborn. & Monast.

Burggravius

**S**Tromberg. S. R. I. Princeps, comes Pymont. D. in Bor-  
skelo liber Baro de Fürstenberg, natus anno salutis  
MDCXXVI. die XXI. Octob. magnæ nobilitatis maximum decus,  
ac fulcrum, principum hoc sæculo eruditissimus, erudito-  
rum princeps ac mæcenas liberalissimus, hujus & aliorum,  
coenobiorum, sacerdotiorum, Eleemosynarum ingentium  
fundator munificentissimus, argendorum, ad aras appara-  
tuum & suppellectilium profusissimus largitor. Summo-  
rum Pontificum, Regum, Principum conciliata benevolen-  
tia, pace Dioecesebus partâ & conservatâ Monasteriensi, etiam  
recuperato Wildeshusio & XXIII. millium argentea pro aba-  
co, suppellectile donato capitulo Paderbornensi XXV. mil-  
libus, Monasteriensi XXXIII. millibus imperialium legatis,  
Cleri ac patriæ Pater, expensis in Apostolicas per septemtrio-  
nem & extremam Asiam missiones plusquam centum im-  
perialium millibus, pietatis & Catholicæ fidei propagator  
Apostolicus: Tandem cruciatibus calculi fractis jam viribus  
sero

y

sero



fero nimis exsecti, fortiter & suaviter (ut omnia fecerat) toleratis, animam Deo reddidit ac corpus huic sarcophago, nomen immortalis memoriae, tradidit, anno vitae suae quinquagesimo sexto, Episcopatus Paderbornensis vigesimo tertio, Monasteriensis quinto partae salutis MDCLXXXIII sexto Kalendas Julii. i

In te Domine  
speravi.

Domine  
Dilexi Decorem Domus  
tuae, Psalm. 25.

II.

Sacellum hoc SS. Angelorum in sepulturam vivens sibi exstruxit An. 1686. Reverendissimus & Perillustris Dominus Dominus JOANNES ADOLPHUS L. B. de Fürstenberg Cathedralium Ecclesiarum Paderb. Hildesienfis & Monasteriensis respectivè Praepositus & Capitularis, Praepositus ad Sanctam Crucem Hildesiensem, & veteris Ecclesiae Monasteriensis Dominus in Adolfsburg, Celsissimi Principis & Episcopi Paderbornensis Consiliarius intimus obiit. Anno 1704. 15to Aprilis.

Notasse ad extremum non erit Lectori tædio, Franciscum Wilhelmum Fürstenbergium, Archicom mendatorem Ordinis Teutonici per Westphaliam, superius pag. 268. dictum, supremum diem obiisse anno 1688. d. 9. Augusti.

